

Koh Samui

I bin ja scho 2 mal da gsii, vor 3 und 4 Jahr. I ha aber trotzdem namal wellae gah , zum luege was sich veraenderet haet. Eigentlich ha i gemeint i seigi chli zentraler (das isch halt wenn mer scho im voruus buechet), aber z'Fuess han i immerhin nur 15 min. s'Hotel "Samui Island Resort" liit ganz im Norde vo Chaweng Beach. Ha det es schoens Zimmer, mit warm Wasser, was es trauemli isch, nach ueber 2 Wuche Kaltwasser!:)

Huet am 1. Tag, bini is Zentrum fuere und han's fascht nid choene glaupe, wie fescht sich da alles veraenderet haet! s'haet eifach alles neuu Gebaeude, alles isch meh modernisiert. Ha mich denn uf dae weg gmacht, zum Hotel wo i letst mal gsii bin und au das isch chli andersch, aber min "Coconut Wonderfull" drink git's immerno und ha denn so eine i volle zuege gnosse!:)

Huet am 2. Tag, fascht unglaublich aber wahr, han i s'erscht mal sit i in Thailand bi, e Thai Massage gha, bim Hotel vo letst mal und es sind immerno di gliiche Fraue det gsii! 1 Stund Massage fuer ca. 7.- und es isch eifach super und entspannend! Suscht bin i eifach wieder chli am suennele und relaxe! Da gaebt's zwar scho es paar sache zgseh, aber i ha ja alles scho 2mal gseh und drumm bin i eifach chli fuul gsii! isch alles uh tuer dah, aber im grosse und ganze gfallt mir Koh Samui immer no guet, isch eifach immer oepis los!